



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De praedicatore ordinis Praemonstratensis, cap. 49.

urn:nbn:de:hbz:466:1-13177

Magister Petrus Cantor Parisiensis verbo,^{* vo-} & exemplo plures ædificauerat. Hic in^{* Pō-} tenella domo ordinis nostri factus est noui-
tius, & infra annum probationis defunctus est, & in
capitulo sepultus; cumque postea, necessitate ædificio-
rum, corpus eius esset transferendum, aperto sepul-
chro, tam magnus & tam suauissimus ex illo odor ef-
ferbuit, ut nares omnium illius fragrantia reficeretur.
Odor ille signum erat eximiæ eius doctrinæ, cuius
mercedem receperat in cœlo. Quantum verò gratiæ
quantumve gloriæ doctores, siue prædicatores, post
hanc vitâ mereantur, subsequens sermo declarat.

Sacerdoti cuidam ordinis Præmonstratensis in
hac, quæ modò fuit, expeditione præceptum e-
rat contra Saracenos crucem prædicare: cumque
in ipsa prædicatione corporali molestia tactus homi-
nem deponeret; cuidam socio suo post mortem appa-
ruit: quæcū ille interrogasset, quomodo haberet, vel si
aliquid molestiæ moriens pertulisset. Respondit: Vide-
batur mihi pœna mea satis longa, cumque morerer,
non nisi dæmones circa me vidi, qui animam egre-
dientem cœperunt abducere; ex quibus unus dixit:
Nunquam bene seruasti professionem tuam, neque
obedientiam Abbatii tuo promissam. Et subiuxit
statim alter: Nunquam prædicasti sincerè Dominum
tuum, id est gratis, & intellexi statim, accusante con-
scientia, quia uterque verum dixisset: cumque in huc
modum diuersi diuersa contra me proponerent, & e-
go iam positus fuisse in desperatione, eo quod non
esset qui pro me responderet, maximè cùm circum-
spiciens, neque beatam Dei genitricem, neque aliquæ
angelorum, siue aliorum Sanctorum vidisse, ecce
Christus adueniens manu tenuit me, dicens; Sequere
me, quia tu prædicasti me. Mox turba omnis spiri-
tuum illorum immundorum disparuit ad instar fumi,
& ego Christum secutus sum ad gloriam, nullam e-
cum aliam pœnam, excepto illo terrore, passus sum.

A a a

His

758 DE POEN. ET GLOR. MOR.
His etiam qui libenter orant, referam exemplum sa-
tis incentium.

CAPUT L.

Ciuis quidam Coloniensis habebat illam con-
suetudinem, ut quotiens solus esset, semper ora-
ret; eundo ad ecclesiam, siue redeundo, vel in
curia sua deambulando, angelicam maximè ruma-
bat salutationem. Qui cum mortuus esset, cuidam ne-
pti suæ in habitu splendido apparebat, in quo, maximè
tamen in caligis & in calceis, scriptus erat per totū
versiculos: Ave Maria, gratia plena, &c. quia, ut dixi,
eundem versiculum deambulando frequentauerat,
cruribus eius & pedibus crebrius inscriptus appare-
bat. Ex his quæ dicta sunt colligitur, quod sicut Deus
secundum qualitatem & modum punit peccatum, ita
remunerat & meritum, maximè in illis membris osté-
dens signum gloriae, per quæ illa meretur. APOLLONIUS:
Vnde est quod humana natura tantum abhor-
ret mortem, cum tanta sit ei à Deo gloria præparata!

Luke 22. CAESARIUS: Ipse Rex gloriae Iesus Christus Deus &
homo, in tantum secundum sensualitatem mortem
abhorruit, ut timore illius sanguinem sudaret. Anima
naturaliter appetit esse in corpore, nec potest ab illo
separari, sine magna acerbitate.

CAPUT LI.

Ante hoc quadriennium, cum Prior quidam
de ordine regularium in quadam corte mo-
nasterij sui hospites collegisset, & iam mensa
esset præparata, ipse tanto sopore cœpit affici, ut nisi
oculis dormiret, moreretur. Qui cum in lecto se recli-
nasset, mox quidam eius Conuersus, qui alteri gran-
giae præcerat, dormitanti adfuit, dicens: Domine cum
licentia vestra vado: Et ille, Quò vadis, Respondit Cō-
uersus, Ad Deum vado, quia mortuus sum in hac ho-
ra. Et Prior: Cum multi perfecti viri transeant per
purgatorium, quid est, quod tu tam absolute dicis
te statim esse iturum ad Deum? Ad quod ille respo-
dit: Habebam consuetudinem, ut quotiens transi-
rem coram crucifixo, hanc dicerem orationem: Do-
mine